

四庫全書

集部

欽定四庫全書

章泉稿卷三

宋 趙蕃 撰

七言律詩

寄唐德興時決獄辰沅

生平但識古書耽，老至方知世路諳。
君想歸途在巴蜀，我行何日返東南。
江湖比苦無書疏，風月今憐阻笑談。
暇日銷憂應有作，簿書仍急亦何堪。

與世美奉詔旨分督決獄甲戌判袂之武陽壬

午還宿中興寺而得世美自延平所寄詩因次

韻

盛暑宵憂動邃旒救催諸道決纍囚承流宣澤彌航惕
履險航湍敢滯留南北分馳纔數夕重輕釋繫已三州
高材想盡哀矜意美疾當從勿藥瘳

次韻斯遠晨起見示

雲行日日候西東更卜林啼與穴宮乍見天邊成四合
不知山脚本來空豈惟吾輩憂艱食更說軍儲僎屢豐

詔旨已聞湯自責缺然諫紙疏由衷

見榴花寄周丈

安石榴花照眼明去年四月在都城曾於古錦窺書帖
更以香醪酌兕觥照耀屢嗟紅最盛寵光今想綠增榮
定王舊國重看處門第違離歲已更

過曾季永

飯餘頗欲步尋茶行到溪頭小飲家密竹自慳今歲筍
餘醪猶有後番花耽詩歎我寒仍瘦養氣知君老更華

夏木扶疎更應好要分犢草伴鷗沙

次韻和答斯遠見過

舊書零落不能收漫說當年寒具油歸至未成三逕掃
契深重叙百年遊交情要是樂莫樂世態從渠浮自浮
雨薄雲開冬似暖一杯相與共扶頭

夜來赴斯遠之約故云

過在伯于學中因而畱飯

種竹栽桃久已成滋芹折杏尚畱情一官何可占遐志
萬峯懸知有舊盟得酒更能頻飲我賦詩未穩每從兄

向來準擬俱歸去今日參差不遂行

暇日過在伯因而留飯

身在山中不見山興來騎馬到江干幽憂本藉登臨釋
偈反還因笑語寬半歲相從終歲別束書可作素書看
我雖無友不如己却恐君思取友端

六日復飯於審知家作長句并呈彥博

門徑蕭蕭喬木風問君胡樂此安窮

君家有窮樂齋

五言寓興

雜今古一飯畱人隨儉豐白雨已催蘭楫浪綠樽尚擬

菊花叢可人更約王郎子共上山亭送遠鴻

宿王氏新居晨起興懷

幽事闕人自啓門桂林殘月似金盆眼中渾是舊圖畫
詩裏却無新語言未恨此身常寂寞厭隨羣動作朝喧
南山莫負平生志手種脩筠今有孫

筋竹之新居僧居邠錄寄寺中留題次孫溫叟
所用趙南雄韻寄邠

夢向清江不見涯覺來身乃太行車新居寄我山中集

倦枕渾忘午後茶愛此好風當北牖待來明月望西斜
但憐獨鶴歸何晚不問滿林先暝鴉

雨中有懷

春風吹雨暗連朝聞道溪南欲斷橋恐使碧桃拋密藥
更堪高柳折輕條成都舊日空存壁陋巷歸來只掛瓢
想見諸公方痛飲坐看雲脚度山腰

過秉文

相過每飲必論詩濕吻沫濡真自癡名且不為身後計

意寧能問俗間疑世皆競取君公謂我獨何妨爾汝為
日暮劇談殊未了臨分更為月遲遲

夜月

昨宵一雨暑全祛月與新涼入坐居喧寂不隨羣動後
形骸肯效俗人拘江湖萬里風為御枕簟高秋肺合蘇
三五縱圓晴未決為渠吟絕攬霜鬚

送孫子肅子儀兼寄子進

自君來主玉光亭老柳頻看禿又青雞黍欣留故人飯

文書惡雜長官廳鄉來念別今真去從此微言孰為聽
伯氏鷹門季同役歎予無策佐揚舲

送梁和仲兼屬寄謝吳丈三首

故家人物久荒涼政為詩書種不長邂逅得兄真大雅
浮湛如弟漫斯狂平反已與于張輩文力更居崔蔡行
以薦陟官雖足喜奈何塗轍僅尋常

學詩將老竟無奇猶有求交氣未移臭味祇知論翰墨
情親元迺與堦麓見來草草都能幾別去悠悠孰慰思

衡信兩邦聞擊拆叩門他日得追隨

不但言歸自乞歸使家幕府兩相違換官雖用朝廷法
竊議難逃世俗譏適我愠于心悄悄送君往矣柳依依
若見河南應枉問為將前牘叩天扉

重送劉伯瑞二首

蓬蓬樓鼓趣征航草草郵亭共別觴對面已驚時節換
分襟難復話言長君今去路雲霄逼我正落身糟麴傍
邂逅詩成儻垂寄年年有鴈到衡陽

連朝細讀遠齋詩感舊傷今意可知陶寫要憑杯面綠
蕭條祇益鏡中絲人生未免乖離恨君去足寬兄弟思
驥未作官文解印獨嗟和也廢吹篴

寄送府判寺簿先生二首

大旆傳聞發武昌歸舟復道抵維揚幾年風月欠李白
今日河山須子長要為中興考形勢豈徒餘事著文章
翩然欲去無翎翅自歎不如鷗鷺行

朱游不肯留東閣子政猶須校秘書自有大名喧宇宙

宜勞當路借吹噓舟中加意護寢飯日下即當來詔除
大厦如山要梁棟不應空賦愛吾廬

送愚卿兼簡魯卿卓卿

逢人盡道為官去為訪名山祇有君屨底衝殘大仰雪
筆頭帶得祝融雲區區自誓王逸少歷歷卧遊宗少文
歸見二難應細說恨余佳處阻平分

以山藥傳擔園茶送向伯原用舊韻

江郊重數少陵堂草木依人亦寵光柏藉扶持難雨溜

竹迸剪伐易雲長
雞蘇鶩粟類熟矣

熟矣事見林間錄

山茗溪

茶同摘蒼

杜詩有摘蒼耳詩

我願糜瓊更加璧
助其問字有過

揚

公擇過門告別口占送之

平生幾作送行詩
展卷常增別後思
我分無堪祇貧賤
君才未免尚馳驅
江山此去雖多識
桃李何心亦念離
邂逅有人頻寄字
要知安否慰孤羈

送章季亨

隨檄常懷舍舊廬
值公作邑數旬餘
攝官敢道為僚契
投迹仍容借屋居
詩社三年陪唱屬
交情一意保終初
莫嗟了事真良苦
去讀人間未見書

送潘端叔

長沙送我枉君辭
懷玉逢君動我詩
不是固違良友戒
舍渠寧慰遠遊悲
鴈來海角平安訊
春到湖邊南北枝
儻憶平生故人否
衡門之下有棲遲

潘元壽以九月十一日行
莫令君領客攜具泛

舟餞之蕃用九日韻作詩要莫及徐丞同賦以
送蕃

江閣初登柳未黃坐看葉葉亂飛霜壯時自倚矜詩膽
老去深悲廢酒腸浩蕩頗思隨汎鷁飄零那只對離觴
朝天踵即送君去而我終為肺病妨

送王贊子襄

倦能聽雨眠牕底忽起看山到水邊遂性不如衝露鳥
流行何況下江船不臻屈子南征地寧識秦人避世仙

邂逅相逢又相別一杯重把定何年

送陳擇之從留尚書辟便呈鄂州劉別駕

聞道尚書鎮益州故知朝取杜參謀孤舟南浦欣相遇
萬里瞿唐送遠遊爾後有懷惟蜀道幾時因使覓蠻陬
經行訪古應成賦我所思兮黃鶴樓

送趙興國

憶昨屢過叢桂坊誦詩說賦聲琅琅飄流倏忽歲幾換
邂逅分攜天一方治狀如君行且召賦歸於我策為良

一篙清漲百灘沒愧此蕭然鷗鷺行

懷成父

柳黃初作一夜秋詩瘦寧消萬古愁客子豈無衣褐念
飛鴻猶作稻粱謀早須微祿非因酒晚願全生但守丘
望爾不來來且去江頭吾已具歸舟

懷成父

竹裏人家茅舍煙竹籬崩缺澗鳴泉幾聲啼鳥隔林喚
兩樹桃花相對然古路經行斜更直好山迎我後仍前

覓謀坐睡還成覺春草池塘思惠連

午寢而起懷子儀公擇

夢裏懷安底處宮夢回依舊向來空竹陰可藉日已薄
柿葉堪書霜未紅酌酒誰知幽子獨縱談那得兩君同
詩拈信手初無味閒向西牕運禿翁

月夜懷子肅昆仲

眼邊風月佳如此把卷題詩却未工
勝喜俗塵如世隔更憐清趣與誰同
荷侵水檻公懷我檜合茅簷我念公

想與阿連當此夕停盃剝菠話吳中

寄周愚卿昆仲

四時佳節惟重九沉接君家鴻鴈行乃以病軀親藥石
坐防山屐共壺觴別來忽忽春逾仲望極悠悠晝莫常
想見回頭登眺地清源雲合鷺洲長

宜興道中望銅官山懷孫子進昆仲近見子肅
於建業子儀久不通問

雪與銅官相白青幻成豈亦自僊靈頻年此地凡幾過

絕境今晨得再經野鴨陣飛驚撲漉賓鴻獨叫苦丁寧
平生畏友三孫子海角邊頭似曉星

自宜興過溧陽

荆溪路入白雲徑勢與松江相並寬政以檝輕憂逆浪
忽逢風轉起飛翰須臾又報一舍過轉盼應無百里難
却恨銅官易成遠不容雙目細留看

自江下徒步至廟山

雪嶺模糊積未消雲林爛漫合仍飄一兒跨犢飲田水

幾擔束梅同負樵泥滓無嗟廟山路魂棲正避浙江潮
汙人更爾緇塵遠滿眼何無詩思饒

過豐城見甘叔異懷孫溫叟

劍氣當年屬斗牛散為人物尚南州時平未可蘇門隱
道在何卑幕府留聞道為賢多受賞未應此士獨遺搜
經行不暇窮三徑邂逅羊求詢舊遊

送鍾子崧解官而歸

三年簿領淹佳譽一日江山問舊程却恨過從曾未數

浪緣文字許深評已傳相國知韓愈安用河南薦賈生
此去看公副時用便應容我老農耕

送人赴闕

雪後晴催江上船一杯政爾話蟬連人生契濶可堪數
後會渺茫還屬天薦墨向來非草草除書此去定翩翩
西湖處士當年句借問沙鷗若箇邊

衢州城外

纔得新晴半日強廉纖又復蔽朝光梅花黯黯春將暗

麥壠青青餌欲香
野水數彎流以決
晚山幾疊澹而長
秋風紅葉騎驢去
歸日侵尋且載陽

送張王臣還峽州兼屬峽守郭郎中季勇二首

九州四海張安國
翰墨文章自出奇
無復若人空閣象
忽逢難弟更名詩
流風善政未云遠
家世斯文當屬誰
我愧不堪門戶寄
相逢歎息在於斯

久矣聞風折角巾
近來乃得誦詩新
雨奇晴好西湖賦

梅落草生三峽春

嘗見使君與周子中西湖唱酬及聞君誦半落半開梅好處似無似有草

生時之句再拜因行為多謝尺書願寄恐無因靖州僮有平安使佳句驚人厭頻

送王汝之江西二首

一杯濁酒慰飄零百首新詩見典型
笑買扁舟又西去
悵予蓬戶只深扃
向來雨合滕王閣
復道榛迷孺子亭
珍重君行煩寄語
明年訪古會重經

君行應到鬱孤臺
惆悵登臨記昔孩
別酒尚遲三徑菊
歸鞍好待一枝梅
將軍揖客能增價
幙府羣賢定挽才

我亦方謀下吳會未知何地得重陪

簡張王臣借觀紀行詩卷

問訊騎鯨已莫追池塘生草但傳詩與公縱說江湖隔
有弟解談京洛期政爾飄流落蠻徼偶然邂逅識天涯
論交於此夫何敢行紀相從得借窺

張以詩卷來再用韻謝之

絕歎風流不可追賴聞難弟更能詩半生求識終無遇
一見於今已後期昔在蠻荆孰疆理後來秦漢始津涯

征南政欲圖經借把卷如同禹穴窺

過商叟林居蒙示半村詩集及曾吉父宏父王
元渤詩卷因用前者奉簡之韻作二詩上呈商
叟許抄半村詩集見遺故及之

只道詩家無續燈半村今喜見孫曾非闕竽瑟異王好
自是文章多命憎題贈向人無苦秘流傳後世豈無能
溪頭賸欲連朝住舟子催行底見仍

結交早日類知名豈但當年王與曾野鶩家雞隨所嗜

玉環飛燕詎宜憎筌蹄久矣成深悟駑馬猶當勉未能
好取他山細摹刻客來傳寫怕相仍

趙蘄州枉示數詩皆弋陽往還所作經行道間
有懷其人作長句寄之

一飯留人意甚真數篇仍出好詩新追隨却恨向來少
悵望空增別後頻到處鶯鷗如習熟轉經山水盡精神
可憐吟諷多餘地只是登臨無若人

頃與公擇讀東坡雪後北臺二詩歎其韻險無

窘步嘗約追和以見詩之難窮去歲適無雪春
正月二十日乃雪因遂用前韻呈公擇

相思不是冬無雪留待春風鬪冷嚴病骨未憂衣乏絮
早餐寧歎食無鹽梅添鑿洛元同色竹擁參差半入簷
坐守地爐應不厭破牕平見北山尖

雪埋老屋無薪賣晨起謀炊自毀車覓飽預期千頃麥
破慳先試一春花便營野屐尋茶戶更約緜袍當酒家
處士祇今宜姓賈壁間但沒挂錢叉

初八日過總持以雨不得觀龍井休日再往經
孺子亭又過南昌縣側訪梅僊舊宅黃冠居之
觀名屢易今為報恩光孝

滿城車馬走塵埃湖上幽蹊長積苔喟嘆高風尚千載
殷勤兩日為重來吾生詎老五斗米此地終期三徑開
大厦崇成非往者況子擁腫自樗材

登清音堂訪介庵壁間留題已有漫去之者偶
成長句

十日溪行雨霧深
曉晴催我強登臨
壁間變滅龍蛇字
海內流傳金玉音
欲為廢興聊下語
不堪山水感人心
何時遂此扁舟志
占斷鷗波得細吟

夜坐讀書有感示兒姪

老矣讀書如欠緣
心非敢後足難前
切磋有道方成器
穠裝無功敢望年
搔抑空憐髮種種
摩挲仍愧腹便便
吾家門戶何所寄
但願兒曹相勉旃

書懷

春風吹雨又吹晴柳樹能青桃樹明
細履野蹊初見蝶
却行幽徑未聞鶯布衾雖破猶堪典
菜甲縱稀亦可羹
政擬遠同嵇叔夜一尊濁酒話平生

書懷二首

要令多病也身輕安得晨風永晝清
瑟瑟泉流汭澗響
疎疎松吹轉空鳴生平舊隱蘚蹤合
老至危途蓬鬢生
松柏後雕聞古語若何秋菊敢齊名

去日春江白芷生再來秋野蟪蛄鳴
浩然已分不才棄

張翰安能卹後名自歎還山何太晚政須杯酒為深傾
泥愚邀敬多官府與想桃源源上行

困坐窮山無以娛日用隨齋問訊韻寄草夫并
呈隨齋

少陵苦憶將廉頗才似淮陰亦奈何豈待秋風方憶繪
不堪夏日況揮戈分當鹿鹿終隨後言敢詭詭取屢訶
世事多虞未知免鵝烹復坐不能歌

張涪州出詩數軸皆紀用兵以來時事有感借

其韻

感時賦詠屬英游，又向涪江說去秋。
兵甲未休須壯士，閭閻乃敢問封侯。
頻年青坂陳陶恨，到處陽春白雪留。

誰道東歸窮徹骨，驪書落落照書舟。

杜詩去秋行去秋涪江木落時臂鎗

走馬誰家兒

叙浦簿呂公用沅陵韻見貽次韻

一經蚤已愧家傳，三尺猶思絕並緣。
位下故知難及物，業荒空復度流年。
要求廟令作歸計，未必上公能記憐。

多謝為僚不相棄連朝枉贈有詩篇

奉寄子耕簿公尊兄兼呈德化令君丞公二首

令黃商伯丞嚴造道

近因周子出家書乃得知君近起居復道移官在城府
未知幾度入匡廬晉唐舊刻故存不林壑幽人今有諸
想見經行屢成賦不妨傳寫總遺余

寄聲江夏無雙士併謝藍田不負丞符檄經行有題贈
江湖別後欠緘滕一時交舊半為土老我鬢鬚逾可憎

獨自對書思友益夜牕長愧短檠燈

送叙浦呂主簿

參佐已能迎刃解絃歌更整亂絲琴胡為易地皆馳譽
信是高才本出羣良木更須深雨露善禾端自力耕耘
仕途似子誠難遇別語如余敢不勤

謝徐大雅見過

霜風索索撼枯條令我亡悰首屢搔懶效揚雄作奇字
政同靖節湛新膠朝來怪底兒童喜何處肯來車馬勞

不是東都徐孺子誰能背俗訪吾曹

十四夜元衡見過

餘醒索寞政須驅多謝君能佩酒壺回首林園重搖落
岸中風月且須臾不須相對良因楚何日扁舟俱下吳
雅意從來在松菊放言不用屬尊鱸

菊

蔓菊伶俜不自持細香仍著野風吹少年踴躍豈復夢
明日蕭條休更悲潭水解令胡廣壽夕英何補屈原飢

我今漫學潯陽隱晚立寄懷空有詩

菊殘有感

病骨支寒政覺難莫驚蒲柳望秋殘
淒涼不但歎荒菊寂寞更堪傷
敗蘭有鬢已霜那得制無英可落
若為餐玉山禾遠竹逢賓天驥長
饑愁鳳鸞

僕生平四到月巖寺而不識雲洞漫興長句

祇今四到月巖寺不辨一為雲洞遊
世事紛紛變蒼狗暑途役役喘吳牛
細聽風合松楠響應是雨催禾黍秋

留詠從來雜珉玉攀騰政爾羨猿猱

十月二十日晚風雨大作

獵獵風聲萬馬奔我方愁絕坐黃昏了無鼠輩窺廚冷
顧有狸奴同席溫靜裏頓能除妄想病中還欲寄空門
四時鼎鼎催人老籬菊銷香梅返魂

喜雪投王守

千騎朝祈僊佛祠玉花夜散答誠思守惟民慮知何德
天不人違固可知擬效聯詩家契濶念將乘興體清羸

歌呼且與鄰翁醉樂我邦君政不疵

春雪

寒氣春深未肯歸雪花夜半忽成飛耳聞北地常如此
身老南方見苦稀卜歲唯知念豐歉談天不敢議祥機
江陵見李迷高下千樹郭西疑是非

微霰雪

霰落初疑集隕珠雪飛驟覺幻成圖簷間隙際窺踈密
屋頂樹頭看有無夜度佛鐘清澗谷曉翻漁艇舞江湖

平生無限幽深意付與匡牀竹火爐

微雪招何丞明叔飲不至

經冬不雪苦噉噉快手真成一戰鏖坐對瓦溝成委積
直疑鬢脚共蕭騷解除熱惱春無瘴寧卹躬新價益高
不見揚州舊詩伯尚欣湖海獨爭豪

在伯見招觀雪因同貴溪尉曹登鄰寺之經樓
且云晨起境物殊勝再用林字作詩蕃亦次韻
籃輿軋軋度成陰鷺起衝波鵲噪林當子倚闌成句警

政余擁褐坐簷深
裴回更盡高樓覽
空濶思收遠壑音
笑謝主人能命酒
不然寒甚不能吟

雪既未已霰且間
作再用林字韻呈
在伯沅陵
併屬德章

雲物昏然尚壓陰
霰聲瑩若更過林
憑陵竹葉淡仍薄
埋沒梅花幽更深
屢枉高辭成楚調
獨憐晚歲欲南音
勿多擾擾求周孔
欠一躬耕梁甫吟

雪多矣豈窶人
歉歲之所宜哉
復用韻呈沅陵

文

雪已傷多尚積陰風仍助虐屢號林市人祇喜青帘近
木食應悲黃獨深不但茅茨憂凍死更聞巢穴作哀音
此詩蕭瑟誰能聽有愧當年寒地吟

孟東野有寒地百姓吟

次韻在伯對雪見示

初迷庭砌與牆陰旋著遙山及遠林飄灑故看朝已積
繽紛更覺晝彌深東都皎皎關門卧魯國寥寥振履音
作氣再衰三則竭強拈愁筆和高吟

雪中用俞克晦丈公擇唱酬之韻呈克晦

幽雀徐行破綠苔不嫌寂靜肯頻來
款門不是纔因竹琢句何妨更有梅
要作灞橋衝雪去恐成剡曲棹舟回
寄聲閣上老居士好對春風酌凍醅

雪中寄懷公昭丈

問訊先生江上村雪中高興與誰論
乍明不厭雞啼晝忽散應憎鵲踏翻
聞道為梅新作圃更期因竹別開門
老來孰愈幽居趣愧我飄流不自存

次韻斯遠雪中見簡

粲粲梅開亦大奇
雪來豈亦妬娥眉
紛紜八表同昏際
錯莫千林欲暗時
閉戶孰能憐我獨
衝泥聊復問君詩
窮冬物色無多許
不付吾曹更與誰

次韻審知見示梅花長句

春入孤山今主誰
空留四海舊傳詩
平生我亦有成約
病起驟欣逢好枝
欲向園林窮勝處
不堪風雨苦淹時
忽來絕唱驚寒眼
勢比南朝

謂陵也

更崛奇

進之雪中見過明日歸湘潭再用前韻二首

詩材滿眼不能收，忽報君來為舉頭。
寸鐵不持難白戰，汙渠何敢映清溝。
飛飛望絕千山烏，浩浩心馳萬里鷗。
市遠家貧乏供給，愧煩終日肯淹留。

但見紛紛勢莫收，要窮袞袞若為頭。
路迷界眼疑無地，水失汀洲僅比溝。
我欲出郊思借蹇，君歸乘艇喜衝鷗。
畏寒自縮真衰矣，絕境明朝不更留。

客中遇雪不勝家山之思，催晦菴寫詩及書

旅枕驟疑風徹屋曉牕還見雪填渠梅花未放臘前藥
鴈足渾無別後書故意誰其哀范叔倦游身自困相如
贈言故愈緜袍賜載路何須駟馬車

梅花六首

平生欠汝哦詩債歲歲年年須要還未至臘時先訪問
已過春月尚躋攀直從開後到落後不問山間與水間
却笑淵明賦歸去庭柯日盼自怡顏

勁草端能抗疾風歲寒迺識後凋松是知植物多尤異

更有梅花巧耐冬青女素娥能莫逆巽二滕六漫豪凶
嗟予自幸非張慤健語聊須發隗習

平生留落半天涯處處逢梅是舊知老樹半侵江側岸
疎枝斜出竹間籬雪初霽處見鷗啄水不波時觀鷺窺
馳譽丹青非我事舊游歷歷尚堪詩

梅從何遜驟知名句入林逋價轉增佳故品題因度遠
暗能摸索為香凝每逢陳迹空搔首不見斯人但服膺
菊徑依依懷靖節瓜田草草念東陵

畫論形似已為非北牡那窮神駿姿莫向眼前尋尺度
要從物外極觀窺山因雨霧青增黛水為風紋綠起漪
以是於梅覓佳處故應偏愛月明時

全樹婆婆夥匪奢數枝纖瘦少尤佳春風上苑吾何泰
落月孤村汝自嗟定論要為塵外物細看那是世間花
不然山谷能詩老曷與山礬計等差

九月廿一日雪書呈進之

一夜悲風曉輒收布衾如鐵強扶頭乍驚皎皎明牕紙

稍見疎疎集瓦溝，失怪競聞村巷犬亂行。
難覓遠汀鷗，欣然欲作臨流看。却恨凜乎難久留。

賀魏使君雪用何叔信韻

漢竹初來號令班，不知疆域遠長安。
陽升頓使羣陰伏，早極真成上瑞看。
比擬敢言風絮亂，豐登預想麥秋寒。
冰清玉潤登臨處，不用賦詩名喜歡。

杜審言嘗賦歡喜詩

題徐氏滋德堂用老謝文韻堂建寧韓尚書無
咎命名當塗蘇給事季真書榜

一時人物韓與蘇題榜製名夫豈疎保家匪乏千金產
教子必以萬卷書江河源從濫觴起拱把可取合抱餘
方今天子陋漢武會見待詔仍公車

徐樂以漢武
時上書召見

題甘叔異曲江磯庵

曲江磯頭慈泉庵重來稽首大士龕石磴半漫水拍拍
衡門深掩陰氍毹主人不見詩閣筆道者出遊經閉函
吾行江南蓋多矣得此不能成二三

感懷


重來快閣又三月簿領不親書得鑽俸奪未妨衣屢典
年侵還是歲將闌何當酒與伯仁對更欲石從盧肇觀
誰能放我聽歸去內朝班冠長天官

挽趙丞相汝愚

吾王不解去三思石顯端能殺望之未到浯溪讀唐頌
已留衡嶽伴湘纍生前免見焚書禍死後重刊黨籍碑
滿地蒺藜誰敢哭漫留楚些作哀辭

哭蔡西山

鷓鴣叫春林復遞詩鴈回霜月忽傳悲
蘭枯蕙死迷三楚
雨暗雲昏礙九疑
早歲力辭公府檄
暮年名與黨人碑
嗚呼季子延陵墓
不待鏡辭行可知



章泉稿卷三

欽定四庫全書

集部

章象稿卷
五四

詳校官庶吉士 臣吳烜

總校官 舉人 臣章維桓

校對官 檢討 臣張位

謄錄 監生 臣李著

欽定四庫全書

章泉稿卷四

宋 趙蕃 撰

五言絕句

賦劉子澄墨莊

勤力漢疏傳遺安龐德公公家業異此衰盛國應同

揚步

竟日人行絕惟聞鳥語多忽逢樵婦斧更聽牧兒歌

洞庭秋月

平湖萬里寬
秋月一天白
隱隱岳陽樓
有人自橫笛

平沙落鴈

叢叢水邊蘆
鴈鴈灘頭泊
我不解丹青
小詩亦可貌

靜春堂

游子如蜂蝶
紛紛詎識春
先生靜中觀
物物寓吾仁

辨漆

面上清如水
牽絲作釣鉤
撥開鷹糞脚
打起有浮漚

驗漆

好漆清如鏡懸絲似釣鈎
撼動虎斑色打著有浮濕

愛山堂

朝從日掛鉦暮至月吐壁
坐得少文圖不資康樂屐

江天暮雪

超絕柳州句麤疎鄭谷詩
扁舟釣臺下曾見雪初時

六言絕句

送劉公求還廬陵兼屬張元亨五首

世有封胡羯末非無觸目
琳琅何似君家兄弟睥然面

背難藏

中壘西京儒士魏唐變作文章源委祇今安在蕭灘灘
水深長

得見雖能數日晤言每恨匆匆曷日竹齋重過更期汗
簡同功

雪後梅增炯炯風前柳政徐徐道上有詩堪寫人回不
用空書

張子雖習舊識近來乃讀新篇寄謝青原白鷺何當共

刺江船

衡山道中遇雪四首

汎汎嚴陵艇子蕭蕭衡嶽籃輿絕歎長年作客重逢此
歲將除

驟落真成點綴旋風已復模糊莫擬丹青圖畫且看造
物工夫

老樹才能半白遠山已沒全青勝踐頗思朋盍獨行定
誰汝令

急雪幾欲塞路奔流更逢絕
抗慘慘不堪龜折跋跋況
度羊腸

留衢州王彥博周欽止徐審知

漫道詩能陶冶絕知酒可浮沉
行值田間積淖住逢溪
上愁陰

風前柳欲千尺雨後梅纔一斑
邂逅紛紛桃李飄零在
在溪山

風日端可舉酒溪山盡堪賦
詩有懷爾山中友應念我

天之涯

七言絕句

謁顏范祠

處士當年配水仙
范公亦儼客星懸
誰知舊日番君國
颯爽英姿蓋九賢

義氣常於翰墨看
凜然今日拜衣冠
去年已失臨川郡
及爾能來愧始安

為政當知政所先
政先孰愈祀先賢
可憐顏范祠堂下

草蔓不鋤塔甃穿

懷玉山舊遊寄王彥博徐審知

南山白塔高何許
弄日摩穹相與曾
放歌直下清溪去
落日半銜漁木燈

何人作亭山半道
頗解發舒山掩藏
幾度攜筇挽君去
月高人寂尚繩牀

下湖堤上青青柳
曾為行人繫馬鞍
落魄還成一春事
料應飛絮也漫漫

王郎家近石田溪
溪上行人古路迷
王郎家苦了無事
自溝溪水灌蔬畦

己亥十月送成父弟
繫兩房幼累歸玉山五首
已辦知津送去舟
重臨快閣亦悠悠
黃知橘柚江行好
此去沉經龍霧洲

去歲歸營丘
嫂葬今年那復以家行
挽鬚無用祇嗔喝
念我只兒同短檠

造物知君時
欲進江山佳處遺
頻回霜風日夜摧
搖落

面目端須見本來

誤身何必歎儒冠
粗糲須甘苜蓿盤
瓜地可耕歸獨負
未應真坐縛微官

十月江行多北風
打頭不用怨天公
清音堂下換船處
想見掛帆灘已空

在伯教授為考試之行
不知其地漫成五詩送
之

雨後翛然遂欲秋
登臨正爾要詩流
君行端復何所往

但道東之一舸遊

已孤萬古中秋月為約黃花九日杯
但得交情常舊雨
不辭尊酒理新醅

君行不到武昌下別駕西京劉更生
但想新知作傾倒
莫聞高論吐崢嶸

平生未識荊州牧詩卷記評王進之
鈴閣縱談詢保社
幸無過語恐遭嗤

峽州使君我所親書去猶新報未聞
此士如今為第一

見之煩為致慇懃

寄韓仲止主簿

舊來絕歎茶山竹今日重悲南澗泉
儒雅風流真不愧兩賢真可作三賢

海內知名長少公在今誰復可同風
可憐籍湜今頭白空復掛名家集中

介室於余亦外家二年朝夕向長沙
聞君往會臨川莫我不及前空歎嗟

病卧凄然寂寞濱
既親且故幾何人
如君父子風流似
寧復可踈當可親

有懷成父

雪裏同登我有詩
可憐同去阻同歸
扶踈夏木渾如許
還想吾廬晝掩扉

是夕有懷斯遠二首

沙如星射水流光
憶著南山步石梁
秋興日來知幾首
可無南落雁成行

塞郭衣冠匪乏人步能送我獨情真
幾思覓句相料理
風月溪山不易親

餘干登眺有懷

溪山得意竟忘歸歲月飄零兩鬢稀
祇有裴回與搜句
老無筆力愧傳衣

溪山雖好政須人終日佺佺此水濱
試並欄干一回首
祇餘鷗鳥似相親

在伯考試未歸有懷

木落山空君未歸
我行江山幾依依
山空木落有佳處
政爾待君相發揮

相逢共問別來詩
作計君能似我痴
佳月中秋已無及
菊花十月未為遲

行路悠悠自有詩
君行況乃暮秋時
復萌鄙吝疎黃憲
都盡利名親紫芝

道傍多蕙茲菊花有感

菊花粲粲懷元亮
蕙茲纍纍念伏波
莫歎讒人未授畀

祇須濁酒到無何

至邑有感二首

朱絃昔日被歌聲歲月頻更感易生唯有錦江橋下水
相逢不改舊時清

老稚歡呼南北街爭看前日令君來看花不比玄都觀
盡是當時手自栽

登縣樓有感二首

一水中分南北市插天蒙末有佳山太平官府元無事

聊放衰翁一日閒

見說南樓秋氣多
夜涼槐竹影婆娑
滿樓風月成辜負
奈此青州從事何

送何叔信三首

幾年惆悵荔枝紅
婦薦孫擎壽媪翁
我亦得歸無此樂
弟兄相對小燈籠

情均骨肉謂堯民
我輩相仍敢不敦
越人可笑盟車笠
四海要知皆弟兄

貴溪亦復謂三山去我冰溪一水間
舴艋篷籠不難買
有時乘興泊鷗灣

送智門祥師便呈斯遠兄

寺後溪亭我所開
春風應已長莓苔
南州高士如臨賦
為把新詩寫寄來

送陳慶伯三首

衢信相望百里間
從來疎濶若為顏
與君既親亦有故
他日當期數往還

聞道君行欲轉江
江行此路不勝長
雖然不患無歸遺
收拾江山一錦囊

君到江南梅正開
折梅稱壽亦佳哉
平安僮遇重湖便
併把新詩寫寄來

逸再為婺女之行既別出郭矣夜不能寐成六
絕句追送

正學堂堂呂紫微
有孫端的為傳衣
祇今一派金華是
戴路年來汝所依

體能中格號時文能料科場可策勳此外更資為學在
木須根立乃凌雲

茲行為謝時衡嶽併與傳聲呂法曹汝解事賢其自勉
我因求友不妨高

去歲諸公祖敬之我曾同席共委蛇相逢儻復蒙相問
為道東歸鬢益絲

我歸猶爾未還家送汝令人重嘆嗟送汝嘆嗟猶自可

最思阿慶語啞啞

慶曾隨其
母留外家

歲事將窮老所悲
念將留汝亦奚為
新年事業能增進
絕勝哀殘守舊詩

重送處州斯遠三首

登臨長病獨成吟
連壁相依照映深
寄謝青山無偃蹇
好聽絕唱亂清音

萬木蒼蒼古釣臺
白雲樓觀隔溪開
賦成赤壁後無對
好與驅從筆下來

文字投盟不計官
古人能爾在今難
使君於此自為德

我輩因留後代看

送曾耆英持胡端殿書謁張袁州四首

是家風節在峨岷仍見諸孫文字貧聞道江南有蜀士

不辭犇走犯蕭晨

曾之祖南
夫嘗使蜀

君知龍門不易陟頗欲乞書南郡胡一幅斜行半年得

費君趼足幾工夫

袁州張侯吾所聞政事不減大馮君如云已召符節令

行矣君其無憚勤

我聞諸侯一朝享可作寒士終年儲
張家衣被及四海
不但一州歌袴襦

送劉克昌文顯二首

驛使相看合寄梅日邊消息幾時回
平生所積故已厚
九萬不須風更培

柳暗知津君送我江臨快閣我辭君
君行過我南山塔
為道長懷日暮雲

從禮折花攜具見過且賦二詩

出門政覺病軀難已分春風負牡丹
送花載酒能俱至
愧爾交情殊未闌

花好千金未當價只宜屏隱繡芙蓉
調笑頗似年少日
妾心今已退重重

從鄭秀才覓菊二首

好事風流有鄭莊買園栽菊待重陽
儻能憐我耽佳句
為遣秋根到草堂

漫從僧舍移甘菊青蘂重陽摘未堪
徑欲過君籬下看

二兒端可為輿籃

賦道傍菊

園亭種菊只須多名實相求半已訛
紫蔓弱莖真此物
顧埋林蕘雜蓬萊

世無元亮亦無詩菊亦淒涼孰汝知
問我無詩寧愛菊
落英聞道可充饑

山行漸欲墮荆榛夾道黃花獨爾新
野外籬邊非夫所
尚能寒眼動詩人

三逕雖荒菊尚存江東書到每傷神
七盤八疊辰州路
賴爾相看作故人

日和猶有采花蜂日冷淒然難為容
不以無人廢芳事
政應蘭蕙與同宗

黃菊花中黃蝶飛似憐節晚悵餘暉
春風桃李明年事
十月清霜何處歸

道傍菊有感

昔日曾升君子堂祇今蕭艾與俱長
可憐冷蝶無時態

盡日伶俜為汝忙

道店菊

種花本欲娛行客
客子逢花特地悲
忽忽重陽今半月
依然青蘂網蛛絲

招仲威不至反辱惠梨

屢廢招呼定可人
豈嫌昏暮叩門頻
不來醉我傾家釀
反更分渠釘坐珍

食枸杞

誰道春風未發生
杞苗試摘已堪羹
莫將口腹為人累
竹瘦殊勝豕腹亨

倪秀才惠橄欖二首

故憐枉作近南官
南果何曾上客盤
橄欖忽來蕉作裏

欣然却作近鄉看

信州易得此物自
到太和未之見也

直道堪嗟故不容
更持諫味欲誰從
昏昏度日惟貪睡

茗椀聊充午後供

以山藥茶送沈宜之兄

山藥本為林下享筠籃那得致兵厨傳擔雲月併持與
長夜讀書應所須

以湖州酥秀州木犀面油太和石本觀音像送
莫萬安三首

蟻浮猶臘要酥同長恨中州信不通忽得吳中所持寄
急令分減報鄉風

天教桂藥擅秋分只道非秋無復存底事蘭開梅落際
忽於膏飾見追魂

涪翁昔作白下宰遺墨到今多鴈書盡說補陀存相好

更傳雷火護持餘

俗傳此碑常為
暴雷擊而不壞

謝彭沅陵送猫

怪來米盡鼠忘遷嚼齧侵尋到簡編珍重今君憐此意
不勞魚聘乞啣蟬

送蕨與成父

道人惠我南山蕨頗帶齋廚法醬香聞道城中少蔬供
急令健步走傾筐

初寒無衾買紙被以紓急作四絕

平生結得楮生緣
覓句抄書日費捐
只有夜牕宜暫舍
也須包裏伴幽眠

瑟縮從渠體尚生
不妨欹擁度天明
書生活計能消底
太息牛衣王仲卿

度夕陰風吹戾屨
布衾如鐵念嬌兒
夜來例拜奇溫賜
但覺安眠曉不知

識字誰令勝爛奚
自應無褐更無衣
宵安亦念明朝計

兒報屋簷生早暉

閻伯善以孟東野集見惠二首

文字何關達與窮

孟詩云爾

悵君一尉已龍鍾過君舊邑求

君集行橐蕭然足慰儂

幾度相從酌酒深向來相識未如今臨分念我亦窮者
乞與郊詩俾細吟

小釀告熟童子索覆瓶紙坼舊藁與之

太玄適足覆醬瓿舊藁乃獲埋酒尊從來事有幸不幸

一笑掀髯誰與論

讀謝幼槃集

茗椀不能驅睡魔
漫携詩冊向庭柯
世人祇愛高官職
孰與公家兄弟過

自汲清泉除硯垢
樹陰微息晚涼初
箇中得意誰知我
筆下忘言我羨渠

題船子和尚圖

縱有絲綸不暇施
痴魚吞月自驚疑
旁觀莫作風波想

此著人間未是危

自桃川至辰州絕句四十有二

甕子灘頭百丈牽此其小小猶前命輕人鮓曾聞說
楚蜀懸知險並然

過了磯頭尚有津長江萬里此為稀
悵子何可數乘此
宜爾山禽頻勸歸

上得磯來勢已危忽然纜斷不能支
驚心釣渚河邊石
值爾應當應手康

釣石疑為借石低，月岩穿石兩空梯。
逃虛尚說聞人喜，況此依然面目迷。

草屋竹門江岸旁，三三兩兩競携將。
爾曹應念宦游好，不念西來道阻長。

夷望山前幾釣篷，不惟能雨又能風。
吾身故作魏王瓠，愛此沿洄敏似鴻。

曉雨濛濛山欲空，少晴還覺練搖風。
扁舟十日夫何事，只有看山不負公。

水勢纔收一丈餘
曉來雷雨又何如
天民天卹應堪恃
我自多憂雪滿梳

山鳥初鳴麋度灘
少馬還叫火炎山
僕來告我為晴候
穴雨巢風不可刪

試手灘頭水亂流
鐵鎗崖下晚維舟
兩階舞羽方閒暇
何事茲名有佩牛

灑灑瞿唐昔未行
狼頭鹿角舊聞名
辰州甕子灘頭路
夷險不知誰弟兄

明月山前明月池
兩崖壁立類磨治
浯溪未識應相似
好刻中興第二碑

巨壁撐空不可干
小山亦復四巒岿
猶言水後渾無石
不爾應當行路難

一篙真可百灘空
贛水辰溪大畧同
我乃漲餘方逆上
終朝歌笑愧篙工

誰道蠻州異故園
夏來草木亦蒼然
扶疎遶屋平生句
有愧青山啼杜鵑

風頭日日望西南
雨脚懸知不與參
昨夜北風今日冷
又驚數點落毳毼

患難嗟予已素行
今朝灘裏挽仍撐
心乎詎敢懷尤怨
命爾何能計死生

無策資身每自嗤
始謀不善悔何追
行乎患難寧今日
何暇更論淹速期

飛流濺沫瀑爭礮
電擊雷驚江落洪
盡日喧喧不能息
誦書妨我課兒童

望極千山不見村，忽逢三兩僅崖根。
幾年生聚才如此，信是荒寒不足論。

美玉曾聞種得生，精金此地亦陶成。
不知造物須生此，何似嘉禾令土平。

灘裏驚濤怖殺人，潭中淨綠數浮鱗。
如何咫尺能懸隔，物外區中信莫倫。

雨墮初看珠顆圓，風來忽散縠絲牽。
青山四合江如瀉，憶著桐江江上船。

金史卷一百一十一
卷四
脫粟粗供朝暮餐也求魚菜強充盤魚今絕市菜無有
欲問居人啖馬蘭

摘得青梅江岸邊兒童競食也堪憐山青指問紅何樣
說是石榴花欲然

不但投林雀鬧枝沙禽水宿亦爭涯不然故欲相呼喚
恨我形單影自隨

一月山行意未厭晚晴仍對雨纖纖回思浪湧濤翻際
寧有於今安且恬

新綠深深嫩更黃
非花非草定何香
故山草木皆余愛
最愛抽梢竹過牆

性有耽山且畫看
陰晴朝暮若能殫
天公似病詩才窄
乞與西來眼界寬

細雨冥冥梅欲黃
故憐時節似江鄉
有書不讀高成束
蒸敗蠹侵誰與防

雨來山色暗成愁
雨後波光翠欲浮
山色水光元自好
宦情羈思苦悠悠

一春多雨夏當慳
今歲還防似去年
玉歷檢來知小滿
又愁陰久礙蠶眠

山禽朔晰意都迷
滑滑仍愁叫竹雞
側帽歷聽如有感
數聲何處轉黃鸝

前有天隨後老坡
杞糧仍欲壽西河
吾今何意更思此
但喜杯羹風味多

咫尺青山曉未分
旋開還吐尚紛紛
烟雲變態有如此
安得斯奇付大文

昨日江清可濯纓今朝潢潦忽能盈發洪想有山崩處
一雨安能作許生

坐對蒼然暮色侵忽驚螢燭度枝深少年嗜學猶餘志
安得茅檐把卷臨

江漲皆云牽路漫又云江漲苦無灘割晴耕雨難均得
造物於茲良亦難

安流倏忽起犇湍非雨非風勢使然盡道川流能險惡
不知世有險於川

反照入江雷殷然直疑飛雨墮談間不知吹落何方去
突兀猶餘雲湧山

大麥雖黃草與長趨春只用野生桑為生可歎微如是
應坐人稀地力荒

牂牁何處莫窮源萬折千磯劇迅奔寸寸上來良亦苦
不知斷却幾番魂

望金華山絕句四首

山青雲白晚能佳中有仙人舊隱家彈壓政須煩健筆

頡頏誰與佩飛霞

雲蔽雲開山祇然
畫無能事著詩傳
扁舟盡日無多厭
信手拈來亦漫編

一溪屈曲幾彎環
贏得金華四面看
雨黛欲收晴翠滴
忽然雲起又漫漫

九陌紛紛翳吾目
是間水熨一塵無
十日五日一水石
造次著詩那得摹

遊東湖題盧石

雲中不改蒼蒼色春後寧同濯濯姿欲為渠儂下轉語
筆無潮力強題詩

謁仰山寺

欲知正直不余欺請禱應聞韓退之旱昔不災今病雨
我雖非職敢陳詩

西湖雪後

行到湖邊却箇與眼中渾似畫屏紆梅花又作臨風笑
亦有高人似舊無

聽雨堂二首

竹徑參差人不知
窈然終日坐題詩
我來欲去仍遺恨
不見蕭蕭風雨時

曾見宋公及可公
自應詩句有家風
不因避疾小盤礴
那得清談半日同

題新宮

到處江山非不佳
不歸佛屋即仙家
南山自好不歸去
落魄賦詩天一涯

題舊宮

新宮改作幾何年，像設於今尚儼然。
薜荔綠垂山木槁，長春開盡草芊芊。

晚過彥真山亭，並呈允升、季儀、兼屬照隣二首。
隔岼看山自足佳，背山仍有碧雲遮。
我來政值峻嶒際，却恨林端已暮鴉。

寤寐詩名歲月過，日來方喜和羊何。
秋風奈我當歸去，湘水湘山餘恨多。

經孺子亭觀龍井

寒泉百尺幾秋春
祠禱流傳信若神
何事古先殊昧此
為霖顧取築巖人

城下道中二首

瓦室人家茅屋邊
瓦園亦與草園連
池塘過雨尚浮俗
楊柳新栽已帶烟

溪上橋危亭亦高
柳陰直下有魚舠
夜來雨足洪初漲
突岬衝磯聲怒號

正月二十二日晚過袁父

籬落桃花小破紅
野田細雨又微風
莫嗔款段行難進
正要尋詩漠漠中

丁卯除夕寓瀘南獨坐舟中有感去歲此夕

米倉山寨雪連雲
不見椒盤見賊塵
今日江城聞爆竹
莫嫌杯酒不沾唇

宿清都觀

涪翁逍遙果安在
玉局清都今何如
遺蹤羽化不可問

朗誦二詩行遶除

遊思庵

路落林灣得小庵軒牕都在萬松間
茲遊不為尋僧至更擬緣雲度一山

永和道中懷成父

風帆十幅空百灘布衾高卧寧知寒
連明風雨曉增劇歎我山行逢路難

宿應庵次季承韻

祇思借榻尋僧屋不悟山行亦已深異日重來應記路
斷塍窮處轉松林

午過無錫明日五更到平江門外

百里風帆日未中惠山紫翠忽重重姑蘇城外楓林寺
夜半已過聞曉鐘

常山道中

桃李成陰麥有花筍輿咿啞我還家謬恭莫望臨邛令
雨後東陵宜種瓜

烟雨濛濛鷄犬聲
道長人寂掩柴荆
漫山桃李渾無數
歸近何妨細作程

將至溧陽示宗父

玉聚梅花殊未開
不妨烟雨雪飛來
僕夫怪我行何速
要趣佳時同一杯

再來江下示成父

七郎堂下渡船開
豈料今晨又再來
吳水越山看未足
未妨兄弟與銜杯

宿桐溪灣

近山慘澹連深塢，遠水蒼茫接暮雲。
語似篙師徐繫纜，莫教驚動白鷗羣。

謁雷潭寺韓文公祠

使君令尹各能文，政亦及民俱好春。
考廢祠賢端有以，後人當復嗣前塵。

孤鴈三首

孤鴈哀哀叫曉霜，客衾如水待天光。
不緣杜宇催歸去，

未信寒猿解斷腸

孤鴈哀哀叫晚雲
半年為客歎離羣
丁東幽佩別來久
斷續清砧遠不聞

孤鴈哀哀叫晚洲
水長山遠政悠悠
凶年未必稻梁足
巧中更防懼繳憂

孫季章無愧鄭季夾
徐斯遠以僕留智門
載酒見過坐中雪
作三詩

出山已與曉寒衝
下馬頻欣束緼逢
已見南山行更鈍

到時山寺已昏鐘

明知喜我出山來
占此僧牕共酒杯
重愧子雲孤好事
絕勝安道不空回

黃公亭上雪飛時
去歲相同此賦詩
邂逅出山還雪作
端如來赴去年期

正月九日微雪二首

霰雪纖纖晚倍寒
梅花清瘦不禁看
小園準擬尋詩去
少待侵苔屐齒乾

小雨因風凍作花
冰梢爭競出槎牙
携筇偶作巡簷去
徙倚微吟低帽紗

臘月十九日飲於周氏無盡藏雪作

卯飲君家江上樓
坐中風雪暗前洲
世間矧繳無空巧
我自歸心沒白鷗

懷明叔

江天買得總輸君
我亦當年作記人
珍重平生一杯酒
又孤洲渚綠生春

題新市酒家

有魚可漉酒可沽爾更未知山水娛今晨繫纜纜須臾
異日回頭看畫圖

蠶婦

火蠶較早冷蠶遲晏飯忘眠敢嘆疲
繰車響罷促機杼
蓋體到頭無一絲

對月贈答二首

閨中月是天涯月照妾遙知亦照君
月解令人千里共

人能似月兩頭分

焚香拜月君懷我對月停杯我憶君莫羨月圓圓又缺
會看人合合無分

中夜聞鴈

夜闌羣物久已息胡獨決起飛仍號江湖雖寬矰繳在
幸勿中機漁獵曹

懷祖印

古寺僧容客寓居客行仍許借藏書老無眼力書慵看

憶著竹根泉漱渠

九日懷在伯

雨過中秋明月時病孤九日菊花期絕憐佳處有如此
亦勸斯人共和之

唐興寺懷孟東野

薔薇雖是後人栽一度春風一度開絕憐東野歸何處
無復花前把酒來

十五夜看月

碧天湧出爛銀盤
萬里顛風落樹端
懶復持杯向渠問
徑思飛步躡翔鸞

月

萬頃蒼波月一鉤
鷺鷥棲穩雁悠悠
老夫於此興不淺
無奈凜乎何可留

水鳥飛鳴自往還
蒼然暝色暗林巒
離家又見磨鎌月
九月誰憐締絡寒

對李花懷斯遠
併屬無愧季奕

桃花未發李生花裝點林居亦自佳但恨無人領張徹
乘雲共到玉川家

驟雨記所見

翠篠蕭騷入屋寒歛驚平地起風湍馴除饑雀低飛去
弱羽毳毳似畏彈

往時

往時聽說嚴州水試向經行覓舊痕尚有浮槎棲古木
可憐萬壑勢并吞

與慶伯廣聲別後有懷

清虛亭上晚憑欄
正我扁舟墮險艱
舉酒縱君能酌我
未聞流水有西還

萬壑分爭洶洶來
扁舟寸上亦難哉
晚晴只有山堪看
望極還憂遠思哀

晚過劉伯山

晚向窮岡訪竹亭
竹間忽有打禾聲
凶年獨使詩人飽
可見天公非世情

夜過王兆明

門外春風吹倒人
過門寧惜滯車輪
君能勸我杯中物
我亦揮君壁上塵

悶坐

天氣欲陰還欲晴
病多愁絕兩關情
梅花已是飄零盡
底事春風恨未平

天氣欲晴還欲陰
強扶頭起更岑岑
睡魔欲遣茶料理
政恐疏腸不易禁

二十夜起對月懷斯遠成父

雨落餘雷風罷狂
二更江月照蒼涼
蓬牕白髮醒無寐
感此蟲鳴草岸旁

蟲鳴切切故闌聽
重感跳丸去不停
不足有餘空歲計
書來吾友愧丁寧

昨朝執熱扇慵揮
今夕涼生寢益衣
想見山房聽風竹
悵余何日定成歸

懷遠父斯遠成父

徐郎已渡浙江潮
王子還從折簡招
平日往還惟二士
去余何以慰亡聊

春風吹雨晝成昏
蕭寺蕭條早閉門
坐久行人更蕭瑟
定傾老酒向何村

次韻斯遠去秋八月十三日午睡既醒登山遠
望見懷

驅去復來仍此都
豈惟人誚鬼揶揄
顧防未免罹矰繳
却使高人賦鴈奴

數行書裏兩章詩坐誦行哦晝屢移賦當踈雨梧桐日
題就扶疎夏木時

舟行遇雪二首

老樹槎牙凍不枯雪花初集更敷腴懸崖斗峻人踪絕
漠漠荒祠落社鳥

沙嘴縈分直更紆望中不盡渺愁予晚來一雨便成雪
翠巘脩林同一如

聞李處州亡

時時聞說故人死日日自悲垂老身白髮不生應不得
青山長在屬何人

哀文鼎

晦日書來四月收報余新失趙湖州祇今交友如梁幾
一展來書一淚流

海內忘形獨漢中幾回日暮憶江東不惟吾子傷形影
我亦交遊不太窮

頻年哭友不勝哀不待年侵老自來未保此身長健在

與君茅屋卧蒼苔

梅花十絕句

疎籬半倒竹脩脩
下有冰泉斷後流
此地著梅故差勝
杖藜何惜屢經丘

寒雀蕭蕭凍不喧
背人緣底過頽垣
似矜玉粒堪充飽
啄破霜包無迺寬

斷崖脩竹是吾廬
亦有梅花手自鋤
歲晚平安久無報
不知春到又何如

風月懸知非俗物與梅相對却成三是中故有無窮意
曲几團蒲須細參

桃李紛紛倚市門豈知幽谷有佳人莫嗟玉粒終無偶
人物誰知溫太真

江上人家烟雨間意行曾憶犯榛菅祇今冷落人誰問
翰與白鷗相對閒

雨薄梅花似有情定應憐我太饑生不同玉屑和朝露
且效夕餐收落英

千里荆溪溪上梅故人幾日寄詩來相應載酒乘回次

憶我去年同此杯

謂子進
昆仲

梅花佳處是孤影月落參橫真見之幾欲煩我為摹寫
却愁才盡不能支

松風亭下盛開時曾辱蘇仙與賦詩今日折花懷此老
端如嗅菊念東籬

梅花絕句五首要明叔仲威同作

起步寒梢百尺長驟驚觸目盡琳琅直疑霜月能為幻

作意檻之還有香

誰能當此風霜面政要渠儂鐵石心我亦苦吟羞不足
願從千古覓遺香

木犀猶假菊為裳蘭也仍須紫作章不似梅花最高潔
溫然全是玉之良

傍觀怪我底多病不奈俗塵來敗人故人寄我山中信
竹故歲寒梅告春

陳君曾中殊不羸胡子懼甚語則腴梅花佳處我不識

付與二妙煩追摹

章泉稿卷四

欽定四庫全書

章泉稿卷五

宋 趙蕃 撰

記

截畱綱運記

鉛之阜寶藏興焉鉛之泉寶貨化焉興者有時化者無窮方泉之蒙孰知其功布衣張甲體物索理獻言以佐園法宋紹聖間詔經理之隄泉為池疏池為溝布鐵其中期以浹旬鐵化為銅場兵千夫服勞力作糗糧惟邑

之供治臺歲運江淮湖廣之鐵泛彭蠡邇番水道香谿而東歲計所用銅取諸鉛之泉者幾半初額為斤十有三萬其後加之一倍晝作不逮繼以夜工率一夫而食二人之食邑計供億迺不充令告匱無所懦者束手以罔措健者取給於鑿空同底于戾卒不克終時嘉定九年郡守諸臺合辭上奏請歲留綱解米為斛千有六百以補之猶不足也越十有三載董餉記者視故籍復責輸馬章君謙亨來宰民社嘆曰塲兵戍兵均兵也彼當

餉此不當餉耶告於郡郡太守陳公章力請於餉臺總
郎戴公楠慨然許之達之於朝廷於是有劄下餉臺州
家歲留之米遂為鉛邑永久之利矣章泉趙蕃聞之喜
諭于衆曰仁之取數多然一事皆足觀仁用其力而不
足其食非仁也彼此之不通上下之不相恤非仁也
縣家不為苟免必欲取諸經常而不忍他日重以困吾
民令尹之仁也州家不以為無與吾事而不忍他日重
以困吾縣使君之仁也董餉者不私於戍兵而推其食

以補不給王人之仁也吾於是一舉而得三仁焉後之人苟有易此者其肯自居於不仁哉嗚呼上下一體小大一心何事不行何功不成夫米給銅課登鼓鑄羨園泉衍惠利周於四海是則輔成夫聖朝仁政之一端也其可無以詔方來耶迺屬香溪潛夫秉筆書之而俾鑱諸石

重修廣信郡學記

衡湘陶侯崇自將作少監兼崇政殿說書補外得信州

以寶慶丙戌八月二十八日視印謁學嘆其弊陋欲更
新之慨然捐錢三百萬為之費謂教授李直介曰是不
可以溷君乃命監贍軍酒庫楊均董其役未幾而侯亡
權州事通判陳侯夢建捐錢六十萬續其費轉運使丘
侯壽邁聞之亦以錢十萬來知上饒陶木知鉛山史夏
卿及諸生有請於教授亦各有助越明年四月天台陳
侯章自毗陵易守下車首以未畢工為念復助錢二十
萬遂以八月旦日落成舊諸生之舍必由夫子殿前幢

懂往來弗肅為甚今別以廊且繪從祀於其上規模大
略擬國學焉於是視昔加嚴矣惟祀典之外既祠周張
程四先生矣今又祠朱呂二陸四先生如魯國陳公王
山汪公昔亦有祠是皆一代師法百年文獻諸生誦於
斯習於斯朝夕俯仰於斯其慕用當何如哉端平二年
趙侯與懃郡政既修迺及學政一新教養剷除宿蠹選
招儒先以為領袖於是嘉熙鄉舉學校之得人最盛南
宮奏名登第者尤多於昔

添差通判何處恬記曰信之
有學其來尚矣上饒志謂創

于景祐非也按青陽縣學修夫子廟記知信之遷學在
景德二年廟貌雖嚴黌舍未修迨元豐增闢始有藏書
之閣職教之廬肄業之室元祐再葺徙其門與清流秀
峯對峙孔武仲周彥明記之悉矣端平初史侯彌志以
學門頽圯撤而新之齋苟成而未備器僅有而多闕園
迫于近學者病焉越明年寺丞趙侯與懃分符是邦下
車未幾鋤強梗躅虐征治河梁新驛舍講武有所登眺
有亭靡廢不興亦云盛矣侯曰未也此政爾非化也本
之則無如之何于是一新教養剷除宿蠹捐金鳩工興
修黌館命錄事江鏗董其役舊祠瀛溪二程橫梁四先
生於西序魯國陳公端明汪公于術業齋之左齋陳公
肆業所也後合於一或燕服而立或端委而坐位置失
倫侯命復二祠于舊加粉飾焉禋器之闕修室之弊曲
欄橫檻煥然改觀厚直以市民產徒園以置其所增餼
廩以豐士膳饌儒先以師後
學于是士習丕變儒風藹如

舊釋奠禮器循用聶氏奠

式嘉熙四年郡守蔡侯仲龍病之迺命學校考典故依
紹熙頒降朱文公申明制度而更造之仲秋上丁教授

張君洙一遵紹熙儀式而行事焉

聘君陳克齋先生記
曰文公朱先生初官

同安因縣學釋奠嘗欲考籩豆簠簋之制登降跪起之
節請諸朝而行之及守南康稟命于天子天子下之禮
官禮官討論不詳而下之四方文公申乞改正天子曰
俞文公移帥長沙有司為檢會行下長沙而有大故不
果徧諸路今文公釋奠儀雖已粹流于世而天下郡縣
學猶多襲故陋識者病之文公門人陳孔碩之分教括
蒼也當以文公所申明者行之括蒼矣蔡侯仲龍括蒼
人也俎豆之事聞之已熟及其位廟著則于太常又得
夫同文同軌之所自出來收吾邦戾我芹類制既不經
器且苦窳甚非所以奉先聖乃捐緡錢準式更造擇幕

搢施君退翁董其事郡博士張君洙因與學者詳稽歷代之沿革而參訂焉益知文公之申明昭乎孝廟一朝之定制確乎萬世不易之正典煥舊而新遵豆以竹俎豆以木簋籩爵坩壘洗之屬悉以錫代銅聲明具審度數具精丁祭張君帥諸生舉文公釋奠儀而行事焉既正其器又正其禮祀事孔明洋洋在上若親周旋于杏壇之間張君謂余嘗受教於文公命之記文蔚竊惟先師文公于夫子之道終其身孳孳焉故于尊事夫子之禮終其身拳拳焉籩豆之事登降之文末爾所以歷考備述而不遺者非屑也理無精粗小子之灑掃應對有下學上達之道存孩提之愛親敬兄有治國平天下之道寓釋奠之為禮也小子之灑掃應對云乎哉釋奠之為尊夫子也孩提之愛親敬兄云乎哉形而上為道形而下為器道外無器器外無道以天地萬物之理而立聲明度數之制器之用迺道之行即聲明度數之制以會天地萬物之理器之通乃道之悟體用一原在人默

識因尊事夫子之禮而有得于夫子之道則下學上達
治國平天下其全體大用當不誣于仰鑽瞻忽間矣是
文公先生所望於後學之深意按教授林至之重親大
成殿也先聖先師諸賢之位次冠冕服黻既一如頒降
朱文公申明之制矣而籩豆簋簠之度登降跪起之文
猶不如禮至蔡侯更製祭器而後籩豆簋簠之度正張
教更定釋奠儀而後登降跪起之文正
首尾垂五十年意古禮之難復若是耶 近歲以來大比

終場幾六千卷名公鉅卿前後相望而來者方盛淳祐

初天子幸太學詔升五先生于從祀

濂溪周先生曰汝南伯明道程先生

曰河南伯伊川程先生曰伊陽伯橫渠張先生曰邵伯晦庵朱先生曰徽國公

前教授趙君必

袵既奉詔繪五先生于殿下兩廡矣而講堂西偏先儒

之祠猶存五先生舊繪像者所以寓尊慕之深意也兩
賢堂舊趾祠魯國陳文正公端明汪玉山先生歲且周
甲子矣比增祠大參余公堯弼施公師點謂其為郡之
顯宦也因更名曰鄉賢堂繼又增祠忠愍鄭公驥謂其
能捐軀而殉國也夷險兩途而與魯國陳公事業相表
裏六年冬衆謂舊祠隘陋得請於郡乃闢一室而遷之
益以文昌韓公元吉存南渡之文獻示不忘中原也處
士王公時敏聘君陳克齋先生文蔚亦與祠焉伊洛考

亭之源流道之所存富貴功名又所不論且上以承聖

主升五先生從祀之意下以啟後儒紹先聖先師道統

之傳也

講堂

名成化堂兩旁安奉聖
作之碑及御書孝經

稽古閣

上安
奉御

書在講
堂後

直舍

在稽古
閣下

祭器庫書庫

在直
舍東

學舍

在
直

舍
西

土地祠

在直
舍西

錢庫

在講
堂東

學廚

在東
廊外

先儒堂

在講
堂西

鄉賢堂

在講
堂西

東廊五齋

達善貫道興
賢成德建德

西廊

五齋

炳文明道術
業明德志行

十齋之名舊多不同今齋牌多是陶

少監崇所扁炳文齋舊名昭德又名輔文以教武學七

書義久已廢遂改今名 小學 小學之立其來已久
率為具文而已嘉定初教授顏師臯立為程度嚴於訓
導一時後進為之作興而大魁徐元杰詞科韓承輩出
然學無常所繼者不能常興今淳祐丙午郡守監丞章
公鑄留意作人郡博士張玘之請於直舍之東立為小
學撥設官田為小學莊而教法視前為加詳常請講書
一員提其綱逐月輪請經賦學翰各一員分任教導早
經次史次古文次時文講習之程為甚嚴云

古者教法
通行於黨

庠序家塾之間而小學之教尤其所先務小學在公
宮南之左大學在郊其所從來尚矣廣信舊有小學義
方之家子弟來游薰陶既久穎異自見他日奮身立名
類能有大成就如首唱大庭獨步詞科表表一世皆繇
此選也中間典學者非必咸有誨人不倦之志或忍畧
而廢罷之者無責爾矣修舊起廢聞不乏人靡不有初
旋亦休止今廣文張君某以天台之秀來掌學事其律
己廉其奉職勤其待士愛而公嚴課試以勵實才杜冗
濫以省虛廢滌弊刷蠹以豐餼廩采芹詠歌視昔有加
尚恐遺才羅以混試其嘉惠大學者至矣誘掖後進之
心則未已也慨小學之久廢一日而謀復之試選生徒
至五十員命經賦論月司講課規畫之力茲惟難哉然
昔之廢者幸今而復興今之興者安保後日之不廢於
是為經久計以二年添給之合請於學帑者悉棹留為
置田畝計其租入而別之以為職小學者俸札之費又
慮生徒肄習之無定所而講授之無定位也會郡侯章

公監丞鑄尊禮學校一日親御書閣之推把命葺而新之張君相地視宜於是闔之旁因得書庫舊址白之侯以新小學之宮委學職以董其成東西兩齋曰果行曰育德為諸生肄習之地齋廳爐亭曰極高明職講授者蒞焉良材堅甃與工役費糜多出於積稍之餘而非盡取辦於公帑其加惠小學者亦至矣列職友朋泳漲君之德以論崇澍崇澍束髮游鄉校知其廢興為詳不敢以踈陋辭然嘗深念古之教者莫謹於童蒙而果行育德雖作聖之功不外此人之行莫大於孝孩提之童無不知愛其親及其長也無不知敬其兄信夫啟初筮之蒙玉少成之性於此最為切要誠使孝敬之端不失於良知良能之始而性實日以開明天資日以豁悟要其成也雖未能皆至聖賢之間與亦不失其善人君子之歸張君培植之功於是為大景行前修蓋嘗從事於斯教以為職教者告云淳祐八年戊申二月

一學糧錢一

日浚儀趙崇澍記郡人潁川鍾國秀書

千六百六十八貫九百二十四文一學糧米穀共三千
八十二石三斗五升學田舊額歲入止三百斛至乾道
三年知州事趙師嚴撥下北莊乾道六年知州事洪邁
又以靈溪莊贍學有翰林學士洪邁記紹熙五年知州
事石晝問又以玉山縣靈湖南潭兩莊贍學舊有靈溪
河溪一十四處歲入錢一千三百餘貫文知州事趙汝
諧以其地非通行之地奏罷之未幾知州事秀翔續以
上饒縣東門外官田入學淳熙五年提刑高公泗以貴

溪縣桂鎬莊入學有省劄石刻淳熙十二年知州事鄭
汝諧再撥下新收莊嘉泰二年知州事何潤再撥下青
巖太平莊紹定元年知州事陳章再撥下宴望莊五年
知州事吳旂再撥下黃柏莊六年知州事王伯大再撥
下萬祥板橋兩莊淳祐三年提刑王瓚以費家田牒學
承買七年知州事章鑄撥下永豐縣田及玉虹橋屋業
并胡德權田產入學為小學莊並有額在籍貢士莊嘉
定九年內前判府章監簿良朋籍永豐徐自強祝楠并

上饒趙龍圖等沒官田創貢士莊而隸于學命教授董
其要擇諸生可任者為司貢以治其凡別委郡糾祿賑
其出納教授施應龍為區畫積三年租課所入貯於庠
廡以為六邑賓興東上之贖凡預鄉貢及免舉并大學
諸路漕宗子監舉其子免差若歲之上下不齊員之多
寡不等則又賑其數而贏縮焉歲管早租二十八石四
斗二升五合晚租一百八十二石七斗三升五合晚園
池地四十一貫文有石刻文昌余鑄記

附錄

趙蕃傳

宋史
文苑

蕃字昌父其先鄭州人建炎初大父暘以秘書少監出
提點坑冶寓信州之玉山蕃以暘致仕恩補州文學調
浮梁尉連江主簿皆不赴為太和主簿受知於楊萬里
調辰州司理參軍與郡守爭獄罷人以蕃為直始蕃受
學於劉清之清之守衡州乃求監安仁贍軍酒庫因以
卒業至衡而清之罷蕃即勾祠從清之歸其後真德秀

書之國史曰蕃於師友之際蓋如此肯負國乎家居連
書祠官之攷者三十有一理宗即位以太社令與劉宰
同召不拜特改奉議郎直秘閣又辭奉祠得致仕轉承
議郎依前直秘閣卒年八十七蕃年五十猶問學於朱
熹既耄猶患末路之難命所居曰難齋蕃賦性寬平與
人樂易而剛介不可奪丞相周必大與蕃契屢加引薦
蕃竟不受宰之言曰文獻之家典刑之彥歸然獨存猶
有以繫學者之望者蕃一人而已信州守吳旂乞錄其

後詔其子遂補上州文學遂亦力辭又詔以承議郎致仕與一子恩澤景定三年祕閣修撰鄭協等請諡乃諡

文節

章泉趙先生墓表

劉漫塘
宰著

粵自炎祚中興文物萃於東南厥初諸老先生師友淵源有以繫學者之望天下學者翕然而景從之閩湘江浙師道並建凡異時孔孟之所傳周程張邵之所講思之益詳炳然斯文萬世攸賴比年天不憖遺諸老淪謝

文獻之家典刑之彥巋然獨存猶有以繫學者之望者
章泉先生一人而已故先生雖退然不敢以師道自任
而天下學者凡有一介之善片文隻字之長皆裹糧負
笈就正函丈其限以地屈於力而不能至者詩筒書函
左右旁午往往以一酬酢為榮及先生之歿而文獻典
刑盡矣後生晚進欲求師友之益而俛俛然無所之矣
可不為大哀乎先生姓趙氏諱蕃字昌父其先自杭徙
汴由汴而鄭南渡居信之玉山曾祖暘朝散大夫直龍

圖閣提舉江州太平觀祖澤迪功郎海州朐山縣主簿
賜承議郎父渙奉議郎通判沅州贈朝奉郎龍圖致奠
玉山之章泉先生因家焉故世號章泉先生用龍圖致
仕恩入仕饒之浮梁尉福之連江簿皆不赴為吉之太
和簿辰之司理參軍最後監衡之安仁贍軍酒庫已至
未上而歸遂奉祠家居積祠庭之攷至三十有三今天
子御極之元年歲己酉宰相以先生名聞有旨除太社
令三辭不拜特改奉議郎直祕閣主管建昌軍仙都觀

又三辭不允越三年差主管華州雲臺觀蓋先生自己
酉至是歲辭官不獲屢上休致之請皆不允而先生請
不已明年夏四月始得旨轉承議郎依前直秘閣致仕
又閱月而先生逝矣實紹定月日壽八十有七方先生
之在太和便坐有齋榜曰思隱蓋當筮仕之初已有山
林之思在官清苦惟以賦詠自娛以是受知於吉之鄉
先生楊公萬里贈詩有云西昌主簿如禪僧日餐秋菊
嚼春冰又云勸渠未要思舊隱且與西昌作好春其所

以行之身加乎民者畧可想見及為理掾辨獄之誣不
為二千石屈卒見是於當塗權酷位下特以少嘗從靜
春先生劉公清之受學公時守衡故欲從之卒業甫至
而劉以非罪去即從之歸其謹於所職而篤於所事如
此賦性寬平與人樂易而剛介亦不可奪故相周公必
大與先生有州里之舊先生意有不可寄詩有公如在
廊廟我亦遂簞瓢之句其後公在相位屢加薦引先生
竟不受自少喜作詩答書亦或以詩代援筆立成不經

意而平淡有趣讀者以為有陶靖節之風歲時賓友聚會尊酒從容浩歌長吟心融意適見者又以為有浴沂詠歸氣象至於年垂知命自視歔然更往受學於文公朱先生既耄矣猶虞末路之難命所居曰難齋則視昔賢啓手啟足而戰戰兢兢年踰九十而求箴做于其國無異心也其能續諸老先生之後為學者所歸豈偶然哉娶俞氏繼邢氏子五人遂遠遙遠遺遙遠先卒女四其婿俞倚周杲徐耘老徐禧孫男七人曾孫男六人皆

好學藝用卒之年九月甲申地實永豐縣富城鄉之葉
塢距章泉五里前奠學者為詩為文以誦歎先生之美
者不可勝計其為誅其為銘又有名公巨卿在某寒鄉
晚出於先生無能為役而遂以七十翁不遠二千里來
致先生垂沒之贈且謂某昔叨誤恩竇玷先生後不應
泊然忘言無以昭令德某義不得辭則姑取門人鄭夢
協所狀先生行益以己所聞使歸表于先生墓上

章泉稿卷五